

中華文史叢書之三〇
手稿
粵雅堂叢書續集本
王有立主編



據國立台灣大學
圖書館藏本影印

青玉樹調查記
黔書續黔書

(本訂合)

周希武撰
田雯撰
張澍

台灣華文書局印行

自序

青海南部有囊謙等土司二十餘族皆番也舊藏通志謂之阿里克等四十族其族數今其間唯玉樹四土司存昔參差之故具見考證門

蒙古部族游牧通天河上流番人謂之達木其地當西寧入藏孔道常代表海南各土司支辦供億故西寧案牘率呼海南各土司為玉樹等二十五族及其久也則沒去等字徑呼為玉樹二十五族遂以專名為公名正猶隴省之名甘肅耳元之甘肅省止有河湟細等地自洮河蘭會以東皆隸陝西而省治又在甘州故曰甘肅等處行中書省其名本正明廢甘肅

等處行中書曰其名本正明發甘肅省併于陝西
初因之雍正分省時大勢以隴山為界石碣用元人
甘肅之名此當而川邊附近囊謙目為隆慶二十五
事者之末學也族隆慶者囊謙之轉音也近年經略川邊者謂二十
五族為化外之民脅令投誠且置戍焉已得命於中
央矣而番民久隸西寧不樂屬川屢訴於甘而甘省
所據以入告之文猶然玉樹二十五族也隴蜀共爭
一地而稱名互歧紛紛爭執踰年莫決中央乃飭兩
省派員會勘時合肥張勳伯上將初督甘肅以邊關
道尹忠武軍統領周務學樸實耐苦文武兼資請特

派為查勘界務大員謂希武願究心邊事姜充隨員
兆陽牛君載坤改習測繪學遂邀與俱行以民國三
年八月由蘭首途至西寧取道海南小路踰大積石
山絕河源渡崑崙即巴顏哈拉山涉金沙江朝杞瘴
瘍暮逐水草徑無入之地千餘里艱苦備嘗以十一
月晦抵結古即蓋多牛君復衝寒冒險編歷各族測繪
地圖希武則訪問長老參考圖志真象既明疑誤冰
釋周特派員乃具條兩省誤會之由及番情向背之
機隴蜀控制之宜由張勳伯上將轉達中央踰年三

月奉令王樹二十五族准仍歸甘肅西寧管理川兵
退出境外凡駐結九閩月界務藏事希武公續餘暇
輒最錄所聞並參以牛君調查所得久之盈卷以類
排比稍加刪潤命曰玉樹調查記沿用訛名取便稱
謂也乃為序曰禹貢析支崑崙說者以為析支在河
首崑崙在今新疆和闐南而雍州黑水清儒謂即
江番人所謂哈喇烏蘇者是也揚雄雍州牧藏黑水
西河橫截崑崙邪指閩闐畫為雍域今玉樹二十五
族在崑崙之東黑水之北河源之南其為禹貢雍州

封略所及可斷言矣殷周盛時自彼氐羌莫不來享
來王三代以降帝王德衰不能及遠於是漢有西羌
之禍唐有吐蕃之患而禹迹故壤遂以敵國異域視
之矣唐太宗至以宗室女為公主下嫁吐蕃其酋迎
之河源即今娘磧北境是也元起朔漠囊括亞洲二
十五族夷為奴隸明逐蒙古而青海餘孽猶役屬王
樹清初始脫奴籍羈縻勿絕及其衰也蒞盟委員視
為利藪誅求椎剝番不勝困而勢已積弱卒亦無敢
有抗顏行者始吐蕃盛時北陷河隴南沒松維以唐

之強而不能遏其狂姦及佛教大行於吐蕃人種日
裁殺心漸釋而獍悍忍驚之風亦稍稍衰矣改以趙
宋之文羸而吐蕃不能大為逞患明之季年套虜跳
梁海西不聞海南有煽動之事清之中葉南番剽掠
河北不聞西番有響應之謀斯非佛力去殺之明效
歟然天下之患每伏於大利之中彼唯不能為吾患
則亦不禁制遠夷而為吾勦保塞之助王船山謂近
夷衰弱適足為崛起遠夷之資其今日吐蕃之謂乎
童駿無識被人傀儡終且俟虎教猱狉獠及未況二

十五族與彼壤地毘連又同種同教哉玉樹不保勢
將北擾蒙古禍必中於湟中東燭果格惠且及於洮
岷吾甘來日其盱食乎今國家縱不能急切圖藏豈
可坐令玉樹為之資耶顧玉樹鄙遠艱食宿兵實難
內地轉餉寧能持久計唯亟經營附近西寧蒙番逐
漸拓殖以及玉樹而經略之基須寧海特別區域實
行後以湟中之全力萃於青海始克有濟蓋自海濱
以至河首荒原亂岫豐草大泊目極千里往往無人
唯剛哨果格諸野番時出沒其間自非三月聚糧藏

列卒徒莫敢前往者倘兵屯既列亭障相聯道路無虞來往玉樹者漸多然後以兵保商以商興屯以屯足食而瘠陞可化為沃壤玉樹之植基既固即可聯絡川遠以為制藏之計今歐戰方酣不暇東顧吾國人欲經略海藏此誠千載一時之機會失今不圖後必噬臍而世之君子方且競爭權利於中區蹄涔之水坐視百餘萬方里之陸海榛莽際天以待他族之開闢此希武與牛君所為讀山有樞篇而相視流涕者也乃發憤述玉樹調查記以為經略青海之嚆矢

並以實世之留沁邊事者都四萬餘言

維廿五族荒服於清民國勘撫疆索以明述部落記第一
兩域維首崑崙之墟昔導厥妻今詳其初述山脈記第二
夏如導江不竟其源黑水雍略後儒異言述水道記第三
與康特唐是亦一奇險阻既著籌邊是資述地形記第四
清末政圯蒙藏披離鑒彼圖此勿謂小夷述政治記第五
吐蕃崇佛殺去力衰因勢利導勝國是師述宗教記第六
聚塵烏奔歡心未革立教易俗匪伊朝夕述風俗記第七
貨棄於地地瀕於遠混沁不鑿入將我先述實業記第八

一月月日

五

日杜書子書
蝸角變觸睡恥構兵事近蒐瑣可觸番情述掌故記第九
荒齋晚著史籍無綴補舉所見西瓜東鱗述後證記第十

例言

一玉樹存囊錄等二十五族中之四族而甘肅歷來舊案以專名爲公名相沿已久今姑仍之

一番名山曰拉水曰曲一作楚難曰通一作塘溝中

有灘曰雲無曰囊一作郎或一作朗曰隴曰料雨水之交曰

松多或曰原湖泊曰錯今概循用番稱以符名從

主人之義

番族戶口及殿民之制最難得其真象蓋恐增加負擔或奪其利權故多隱匿不實今姑就可改者

三
書之

一近人志地理於山脈水道大率有表意在力求簡明而披閱之下反難了然今仍仿禹貢水經之例分條叙次似較便觀覽焉

玉樹羌番晚著舊籍可徵者絕少唯衛藏通志西

寧府志胡文忠一統輿圖青海調查記漢源楊某著僅二十

頁餘載其崖略其餘材料皆此次調查所得雖掛一

漏萬然非耳食博雅君子能補而正之更末學所

祈望也

一經略玉樹之策并武尚有竊議一卷此書止述風
土未能多及竊議將以
次出版

玉樹調查記卷上

天水周希武著

部落

海南各土司除少數蒙古族外其餘言語狀貌宗教
風俗大類西藏族蓋羌渾吐蕃之支裔也其棲息之
地為金沙鴉龍瀾滄諸江之上流在虞夏為雍州蠻
荒之地殷周迄漢為西羌地晉及六朝迭為吐谷渾
白蘭黨項所據唐宋以降為吐蕃地元明以後其土
人盡為蒙古奴隸清初始脫奴籍載在貢馬番族之

列二百七十年來唯以羈縻為政策會盟徵求之外
聽其自生自滅而不為之所乃至種落分合之故番
酉嗣襲之常檔冊亦略而不具入民國後遂以稱名
之互歧釀成隴蜀之爭執紛紛者踰年而不決夫玉
樹屬隴屬蜀猶之中國也所憂者附近西藏隱患方
長耳余隨使玉樹訪問長老參考圖志始得其種族
區分之詳述部落記而以位置疆域弁於篇首
玉樹在青海之南部地形縱狹橫廣南盡北緯三十
二度當雜曲鄂穆曲一水之間川達昌都之北北盡